

INUIT ATAQATIGIIT

Inatsisartuni



14. marts 2017

UPA 2017/51

Inatsisartut suleriaasianni § 33 naapertorlugu aalajangiiffigisassatut siunnersuut manna saqqummiuppara:

**Naalakkersuisooqatigiit isumaqatigiissutaat naapertorlugu Kujataani Itilliarsuup N
60.614 W45.46.622 ikerasaliorneqarnissaanik Naalakkersuisut
suliniuteqarnissaannik peqquneqassasut Inatsisartut aalajangiiffissaattut
siunnersuut.**

(Inatsisartunut ilaasortaq Kelly Berthelsen, Inuit Ataqatigiit)

Tunngavilersuut:

Kujataa Atlantikup Avannaata naqitsiniisaffeqarfia nalerpiaaniilluni nunarsuarmi anorlerajunnerpaanut ilaavoq. Qaqortullu kangerliumarnga kujammut kangimut sammilluni qavani Narsarmijiniit avunga Nunarsuit tungaannut angallaviit tamarmik ingiullersartorsuupput pingaartumik ukumi. Itilliarsuk ikerasaliorneqarpat Qaqortumiit kujammut Saarloq eqqaqqullugu angallavik ingiullernikkaaqisoq atorneqartariaarutissaq assullu sivikillissalluni. Kiisalu, sikorsuit tulakkaangamik

Saarlap eqqaatigut tamatigut tulattarput, aqquaatalu sinnera imaagaluaq angallatit ingerlariaqqissinnaajunnaartarput. Itilliarsuk sipinneqarluarpat sikorsuit nalaanni angallanneq isumannaannerusumik pisariinnerusumillu pisinnaanngussagaluarpoq.

Inuit namminneq angallannerisa saniatigut Kujataani takornariartitsineq inuussutissarsiutit pingaarcerit ilagilissappassuk angallanneq pitsasuuusariaqarpoq isumannaatsuusariaqarlunilu. Tamatumunnga Itilliarsuup sipinneqarnera assorsuaq ilapittuuttaassaaq.

Pisortanut aningaasatigut allaffissornikkullu kingunerisassat.

90-kkunni missingersuutigineqarsimavoq ikerasaliorneq 7mio kruuninik naleqassasoq. Aningaasallu naleerukkiartuaernerar ilutigalugu 10-11 mio. Kr missingersuutigineqassaaq (index 1995).

Namminersorluni inuussutissarsiuteqarnermut aningaasatigut allaffissornikkullu kingunerisassat.

Ikerasaliornerup nalaani kujataani suliffissanik pilersitsissaaq, piareerpallu takornariaqarnermut siuarsaataassalluni.

Innuttaasunut aningaasatigut allaffissornikkullu kingunerisassat.

Sanaartornikkut takornariaqarnikkullu suliffissanik pilersitsissaaq.